



Republika e Kosovës
Republika Kosova- Kosova Cumhuriyeti



Komuna e Prizrenit
Opština Prizren – Prizren Belediyesi

KUVENDI I KOMUNËS SË PRIZRENIT



RAPORTI I PUNËS SË KUVENDIT TË KOMUNËS SË PRIZRENIT **PËR PERIUDHËN (JANAR-DHJETOR 2024)**

PËRMBAJTJA:

1. Hyrje	
1.1. Hyrje	3
2. Veprimtaria e Kuvendit Komunal	
2.1. Kompetencat dhe përgjegjësitë e Kuvendit të Komunës.....	4
2.2. Përbërja e Kuvendit të Komunës së Prizrenit.....	4
3. Përmbledhje e aktiviteteve të Kuvendit të Komunës së Prizrenit	
3.1. Numri i mbledhjeve të Kuvendit	5
3.2. Numri i pikave të shqyrtuara, diskutuara dhe miratuara,.....	6
4. Përmbledhja e të gjitha Akteve	
4.1. Përmbledhje e Akteve të miratuara sipas muajve dhe mbledhjeve.....	7
4.2. Aktet e Kuvendit të kthyer për Rishqyrtim nga Organi Mbikëqyrës.....	11
5. Plani i Punës së Kuvendit	
5.1. Realizimi i Planit të Punës.....	12
5.2. Sfidat në realizimin e Planit të Punës.....	12
6. Transparenca e Kuvendit	
7.1. Hapja dhe transparenca e proceseve vendimmarrëse	13
7.3. Bashkëpunimi dhe mirëmbajtja e dialogut me shoqërinë civile.....	13
7. Sfidat dhe Problemet Kryesore	
7.1. Identifikimi i sfidave kyçe dhe problematikave	14
7.2. Hapat që janë ndërmarrë për të adresuar këto sfida.....	14
8. Përfundim	
8.1. Prioritetet e planifikuara për vitin 2025.....	15
8.2. Përmbledhje e përgjithshme, komente, sugjerime.....	15

1. Hyrje

Të nderuar dhe të respektuar anëtarë të Kuvendit të Komunës së Prizrenit,

Me kënaqësi ju paraqesim raportin vjetor që përmbledh me kujdes aktivitetet, punët, angazhimet, arritjet dhe sfidat e Kuvendit tonë, për periudhën janar-dhjetor 2024. Këtë dokument e kemi hartuar me përkushtim dhe synim për të ofruar një pasqyrë të qartë dhe të kompletuar për qytetarët tanë të dashur, duke i njohur ata me punën dhe përpjekjet tona të përbashkëta në shërbim të komunitetit. Raporti ynë ka si synim themelimin e një marrëdhënieje të fortë dhe të hapur me qytetarët tanë të nderuar. Përmes këtij mediumi, synojmë të rrisim nivelet e transparencës dhe llogaridhënies duke e bërë të mundur për qytetarët të kenë një panoramë të qartë mbi veprimtarinë dhe vendimmarrjen tonë.

Me kujdes dhe përpikëri, kemi dokumentuar hapat tanë drejt përmbushjes së detyrave tona ligjore dhe morale, duke u fokusuar në përmirësimin e cilësisë së jetës së qytetarëve tanë. Për ne, kujdesi ndaj nevojave të komunitetit dhe angazhimi për zgjidhjen e sfidave janë në qendër të veprimtarisë sonë.

Ju lutemi të gjeni këtë raport si një burim të vlefshëm informacioni të përkushtimit tonë ndaj përmirësimit të jetës së përgjithshme të komunitetit tonë të dashur.

Faleminderit për vëmendjen tuaj të çmuar dhe bashkëpunimin e vazhdueshëm.

2. Veprimtaria e Kuvendit të Komunës

Në këtë kapitull do të paraqitet veprimtaria e Kuvendit, kompetencat, përgjegjësitë, si dhe përbërja e Kuvendit të Komunës.

2.1. Kompetencat dhe përgjegjësitë e Kuvendit të Komunës

Kuvendi i Komunës është organi më i lartë në Komunë i cili zgjidhet drejtpërdrejt nga qytetarët dhe funksionon në bazë të Ligjit për vetëqeverisje lokale, Statutit dhe akteve të tjera nënligjore.

Kuvendi i Komunës ka kompetenca dhe përgjegjësi ekskluzive për çështjet vijuese:

- Statutin dhe Rregulloren e punës, rregulloret komunale dhe miratimin, ndryshimin dhe shfuqizimin e tyre;
- Miratimin e buxhetit dhe planeve investuese;
- Miratimin e çështjeve të tjera financiare, të cilat janë të rezervuara për Kuvendin sipas statutit apo Rregullores së punës;
- Planin vjetor të punës dhe raportin vjetor;
- Themelimin e komisioneve të kërkuara sipas Ligjit;
- Nivelin e tarifave dhe ngarkesave;
- Krijimin dhe përdorimin e simboleve, dekoratave dhe titujve të nderit të Komunës, në pajtim me ligjin në fuqi;
- Emërimin dhe rrimërimin e rrugëve, rrugicave dhe vendeve të tjera publike;
- Arritjen e marrëveshjeve ndërkomunale dhe brenda komunale;
- Marrjen e vendimeve për t'u bashkuar me asociacione përfaqësuese të komunave të Republikës së Kosovës; dhe
- Përgjegjësi të tjera që kërkojnë me ligj.

Për marrjen e vendimeve në çështje të caktuara, Kuvendi i Komunës mund t'ia delegojë pushtetin e tij komiteteve të përhershme të Kuvendit të Komunës, apo Kryetarit të Komunës.

Kuvendi është i obliguar t'i ushtroj detyrat dhe kompetencat sipas ligjeve dhe akteve nënligjore në fuqi në mënyrë sa më transparente karshi publikut.

2.2. Përbërja e Kuvendit të komunës së Prizrenit

Legjislatura aktuale e Kuvendit të Komunës së Prizrenit është zgjedhur nga zgjedhjet lokale të tetorit të vitit 2021.

Komuna e Prizrenit si qyteti i dytë me numrin më të madh të banorëve në Republikën e Kosovës, përbëhet nga 41 anëtarë të Kuvendit, me përfaqësim të dhjetë (10) subjekteve të ndryshme politike.

Në këtë vegëzë gjeni të publikuara në web-faqen e Komunës së Prizrenit anëtarët e Kuvendit, informatat e tyre si dhe kontaktet:

<https://prizren.rks-gov.net/anetar-i-kuvendit/>


3. Përmbledhje e aktiviteteve të Kuvendit të Komunës së Prizrenit

Në këtë kapitull do të paraqiten të dhënat statistikore për KK-Prizren 2024, siç janë: Numri i mbledhjeve, numri i pikave që janë diskutuar në Kuvend, numri i akteve që janë miratuar, numri i informatave, raporteve dhe të tjera.

3.1. Numri i Mbledhjeve të Kuvendit

Përmes grafikut do të paraqesim numrin e mbledhjeve të Kuvendit:

Grafiku 1: Mbledhjet e Kuvendit




Në këtë vegëzë gjeni të publikuara të gjitha thirrjet e mbledhjeve gjatë vitit 2024:

<https://prizren.rks-gov.net/thirrjet-procesverbalet/?tax=ekstraktet-e-procesverbaleve-te-kuvendit>

3.2.Pika të shqyrtuara, diskutuara dhe miratuara:

Përmes grafikut do të paraqesim numrin e pikave:

Grafiku 2: Pikat..



Në këtë vegëzë gjeni të publikuara të gjitha ftesat e mbledhjeve si dhe materialet që janë shqyrtuara, diskutuara dhe miratuara gjatë vitit 2024:

<https://prizren.rks-gov.net/thirrjet-procesverbalet/?tax=thirrja-per-kuvend>

4. Përmbledhja e të gjitha Akteve

Në vijim do të përmbledhim të gjitha aktet të cilat janë miratuar nga Kuvendi i Komunës, gjatë vitit 2024 sipas muajve.

4.1.Përmbledhje e Akteve të miratuara sipas muajve dhe mbledhjeve:

Mbledhja e rregullt – 31 janar 2024:

Në këtë mbledhje është bërë miratimi i procesverbalit të kaluar si dhe është dhënë betimi nga anëtarja e re e Kuvendit të Komunës znj. Dafina Bllaca. Mbledhja nuk u vazhdua për shkak të mungesës së kuorumit.

Mbledhja e rregullt - 09 shkurt 2024:

Në këtë mbledhje u bë vetëm miratimi i rendit të ditës, më tej nuk vazhdoi dhe u mbyll për shkak të mungesës së kuorumit.

Mbledhja e rregullt – 06 mars 2024 e vazhduar më 12 mars 2024

1. Vendim për miratimin e planit të punës së Kuvendit të Komunës për vitin 2024;
2. Vendim për vënien në shqyrtim publik të planit rregullues të hollësishëm “zona e parkut për industri të lehtë në Prizren - Parku i Biznesit”, sipas hartës zonale të Komunës së Prizrenit, (sipas kërkesës të MMPHI);
3. Rregullore për ndryshimin dhe plotësimin e Rregullores Nr. 001/011-99275 të datës 30 qershor 2022 për taksa komunale;
4. Vendim për miratimin e strategjisë komunale dhe planit të veprimit për personat me aftësi të kufizuara 2024-2027;
5. Vendim mbi shpalljen e interesit të përgjithshëm (Zonë të veçantë – Parku i Biznesit);
6. Vendim për ndryshimin dhe plotësimin e vendimit Nr. 001-011- 182 mbi shpalljen e interesit të përgjithshëm publik;
7. Vendim për ndryshimin dhe plotësimin e vendimit Nr. 001/011-14771 të dt. 27 janar 2022, sipas Rekomandimit të Komitetit për Komunitete;
8. Vendim për themelimin e Ndërmarrjes Publike Lokale “Ndërmarrja Publike Banesore dhe Parkingjet” SH.A. në Prizren;
9. Vendim për ndryshimin dhe plotësimin e vendimit nr.001/011-157578 të datës 31 tetor 2022 (Këshillin e fshatit Zym të Hasit);
10. Vendim për ndryshimin dhe plotësimin e vendimit nr.001/011-64795 të datës 04 maj 2023 (KKA i NPL “Stacionit Autobusëve”);
11. Vendim për mbrojtjen e vlerës së natyrës: Trungu i Qarrit (Quercus cerris) në fshatin Vlashnjë të Prizrenit, si Monument i Natyrës;
12. Vendim për mbrojtjen e vlerës së natyrës: “Shpellat” në fshatin Shkozë të Prizrenit, si Monument i Natyrës;

13. Vendim për mbrojtjen e vlerës së natyrës: Burimi i ujit natyral në Vërmicë, si Monument i Natyrës;
14. Vendim për mbrojtjen e vlerës së natyrës: “Burimi i ujit natyral”, në Poslishtë, si Monument i Natyrës;
15. Vendim për mbrojtjen e vlerës së natyrës: Kompleksi i pishave (Pinus nigra) në fshatin Malësi e Re të Prizrenit, si Peizazh i Mbrojtur;
16. Vendim për mbrojtjen e vlerës së natyrës: Humnerë në Lubizhdë e Hasit të Prizrenit, si Monument i Natyrës;
17. Vendim për mbrojtjen e vlerës së natyrës: “Trungu i Vjosës-Vadhës” (Sorbus domestica L.) në fshatin Lubizhdë e Hasit të Prizrenit, si Monument i Natyrës;
18. Vendim për mbrojtjen e vlerës së natyrës: Trungu i rrënjës (Quercus robur) në fshatin Kabash i Hasit të Prizrenit, si Monument i Natyrës;
19. Vendim për mbrojtjen e vlerës së natyrës: Trungu i rrënjës (Quercus robur) në fshatin Zym të Prizrenit, si Monument i Natyrës;
20. Vendim për mbrojtjen e vlerës së natyrës: “Liqeni karstik i Zymit” në Prizren, si Monument i Natyrës;
21. Vendim për mbrojtjen e vlerës së natyrës: “Shpella” në fshatin Zym të Prizrenit, si Monument i Natyrës;
22. Vendim për mbrojtjen e vlerës së natyrës: “Trungu i Rrënjës” (Quercus robur) në fshatin Romajë të Prizrenit, si Monument i Natyrës;
23. Vendim për mbrojtjen e vlerës së natyrës: “Kompleksi i Trungjeve” (Quercus sp.) në fshatin Dedaj të Prizrenit, si Monument i Natyrës;
24. Vendim mbi vendosjen e reklamave në territorin e Komunës së Prizrenit;

Mbledhja e rregullt – 28 mars 2024:

1. Vendim për dhënien e titullit “Qytetar Nderi” i Prizrenit për z. Ali Ahmeti;
2. Vendim për lejimin e ndarjes së mjeteve për projektet me bashkëfinancim me fermerë në Komunën e Prizrenit;
3. Vendim për shpalljen e ankandit-tenderit publik për dhënien në shfrytëzim- qera të objekteve –lokaleve pronë komunale;
4. Vendim për formimin e Komisionit Vlerësues për dhënie në shfrytëzim – qera të objekteve-lokaleve pronë komunale;
5. Vendim për formimin e Komisionit të Ankesave;
6. Vendim për miratimin e planit të mobilitetit të qëndrueshëm urban 2024-2034;

Mbledhja e jashtëzakonshme – 23 prill 2024:

1. Vendim për Bartjen e mjeteve nga të hyrat vetanake të rritura nga ato të planifikuara të vitit 2023, në vitin 2024.

Mbledhja e rregullt – 30 prill 2024 vazhduar më 03 maj:

1. Vendim për miratimin e kërkesës të Kryetarit të Komunës për ndryshimin dhe plotësimin e vendimit Nr. 001/011-48190 të datës 31 mars 2022

Mbledhja e rregullt – 30 maj 2024 vazhduar më 03 qershor 2024:

1. Vendim për ndryshimin dhe plotësimin e vendimit nr. 001/011-53593 të datës 23 prill 2024;
2. Rregullore për ndryshimin dhe plotësimin e rregullores nr.01/011-3250 dt.08.03.2012 për përdorimin e gjuhëve në komunën e Prizrenit;
3. Rregullore për shërbime komunale në Komunën e Prizrenit;
4. Vendim për shfuqizimin e vendimeve (sipas rekomandimeve të MMPHI-së);
5. Vendim për miratimin e planit të punës për ekipin komunal për të drejtat e fëmijës (2024-2026);

Mbledhja e rregullt – 27 qershor 2024:

1. Vendim për miratimin e Kornizës Afatmesme Buxhetore (2025-2027);
2. Vendim mbi shpalljen e interesit të përgjithshëm publik;
3. Vendim për lirim nga pagesa e qirasë për lokalet pronë komunale dhe shfrytëzimin e hapësirës publike komunale (për tavolinat dhe karriget) për Zonën Historike të qytetit të Prizrenit, për periudhën prill-shtator 2024;

Mbledhja e jashtëzakonshme – 18 korrik 2024:

1. Vendim paraparak mbi dhënien e pronës komunale në shfrytëzim afatshkurtër organizatave të shoqërisë civile;
2. Vendim për formimin e Komisionit Vlerësues;
3. Vendim për miratimin e strategjisë për zhvillim ekonomik lokal për komunën e Prizrenit 2024-2029;

Mbledhja e jashtëzakonshme – 12 shtator 2024:

1. Vendim për miratimin e projekt buxhetit për vitin 2025 dhe parashikimet për vitet 2026 dhe 2027.

Mbledhja e rregullt – 26 shtator 2024 vazhduar më 30 shtator.

Në këtë mbledhje u miratuan vetëm procesverbalet. Kishte diskutime rreth pikave të rendit të ditës, një nga ato pika u votua kundër dhe nuk u miratua, ndërsa te pikat e tjera kuvendarët lëshuan mbledhjen dhe për shkak të mungesës së kuorumit, mbledhja u mbyll.

Mbledhja e rregullt – 31 tetor 2024:

1. Vendim për kursimin dhe ridestinimin e mjeteve buxhetore në kategorinë ekonomike të investimet kapitale

Mbledhja e rregullt – 13 nëntor 2024:

1. Vendim për harmonizimin e pagave dhe medijtjeve në Komunën e Prizrenit për dy muajt e fundit të vitit 2024;
2. Rregullore për dhënien e dekoratave nga komuna e Prizrenit;
3. Vendim për miratimin e planit lokal të veprimit për barazinë gjinore (2024-2026);
4. Vendim për ndryshimin dhe plotësimin e vendimit Nr.001/011-95083 të datës 18.07.2024;
5. Vendim për ndryshimin dhe plotësimin e vendimit Nr. 001/011-14771 të dt. 27 janar 2022, sipas Rekomandimit të Komitetit për Komunitete;
6. Vendim për miratimin e planit Zhvillimor Komunal të Arsimit 2025-2027;
7. Vendimin për miratimin e Planit Rregullues të Hollësishëm ‘‘Zona e Parkut për Industri të Lehtë në Prizren – Parku i Biznesit’’ sipas Hartës Zonale të Komunës së Prizrenit;

Mbledhja e rregullt – 19 dhjetor 2024:

1. Vendim për miratimin paraprak të listës së përgjithshme dhe të veçantë të pronave të paluajtshme të komunës që planifikohen për dhënie në shfrytëzim gjatë vitit 2025;
2. Vendim për dhënien në shfrytëzim të objektit pronë komunale për raste të veçanta;
3. Vendim për formimin e grupit punues për hartimin e Planit të punës së Kuvendit të Komunës së Prizrenit, për vitin 2025.
4. Vendim për miratimin e raportit të Komisionit Komunal për vlerësimin e dëmeve nga fatkeqësitë natyrore dhe fatkeqësitë tjera;
5. Vendim për shpalljen e interesit të përgjithshëm publik;
6. Vendim për miratimin e Planit Lokal të Veprimit për Mbrojtje nga Dhuna në Familje, Dhuna ndaj Grave dhe Dhuna në Baza Gjinore 2024-2026;
7. Vendimin për miratimin e Planit Rregullues të Hollësishëm ‘‘Zona e Parkut për Industri të Lehtë në Prizren – Parku i Biznesit’’ sipas Hartës Zonale të Komunës së Prizrenit, sipas kërkesës së MMPHI-së.

Në këtë vegëzë gjeni të publikuara në web-faqe të Komunës së Prizrenit të gjitha aktet të cilat janë miratuar dhe i’u është konfirmuar ligjshmëria nga organi mbikëqyrës:

Rregulloret: <https://prizren.rks-gov.net/vendimet-rregulloret/?tax=rregulloret-planet>

Vendimet: <https://prizren.rks-gov.net/vendimet-rregulloret/?tax=vendimet>

1.2. Aktet e Kuvendit të kthyer për Rishqyrtim nga Organi Mbikëqyrës

Bazuar në Ligjin për Vetëqeverisje Lokale, Kuvendi i Komunës është i obliguar që të dërgoj listën e akteve të miratuara për shqyrtim të ligjshmërisë në autoritetin mbikëqyrës si dhe të presë konfirmimin e tyre për t'i futur në fuqi. Gjatë vitit 2024, Kuvendi i Komunës së Prizrenit ka nxjerrur akte nga të cilat disa i'u janë kthyer për rishqyrtim nga ana e autoritetit mbikëqyrës (MAPL). Theksohet se Kuvendi i Komunës së Prizrenit, ka përmbushur detyrat e saj në raport me obligimet ligjore dhe në afat ligjor ka përmirësuar aktet e cekura më lartë.

Aktet të cilat janë kthyer në rishqyrtim, janë si vijon:

1. Vendim për mbrojtjen e vlerës së natyrës: Trungu i Qarrit (<i>Quercus cerris</i>) në fshatin Vlashnjë të Prizrenit, si Monument i Natyrës;
2. Vendim për mbrojtjen e vlerës së natyrës: “Shpellat” në fshatin Shkozë të Prizrenit, si Monument i Natyrës;
3. Vendim për mbrojtjen e vlerës së natyrës: Burimi i ujit natyral në Vërmicë, si Monument i Natyrës;
4. Vendim për mbrojtjen e vlerës së natyrës: “Burimi i ujit natyral”, në Poslisht, si Monument i Natyrës;
5. Vendim për mbrojtjen e vlerës së natyrës: Kompleksi i pishave (<i>Pinus nigra</i>) në fshatin Malësi e Re të Prizrenit, si Peizazh i Mbrojtur;
6. Vendim për mbrojtjen e vlerës së natyrës: Humnerë në Lubizhdë e Hasit të Prizrenit, si Monument i Natyrës;
7. Vendim për mbrojtjen e vlerës së natyrës: “Trungu i Vjosës-Vadhës” (<i>Sorbus domestica</i> L.) në fshatin Lubizhdë e Hasit të Prizrenit, si Monument i Natyrës;
8. Vendim për mbrojtjen e vlerës së natyrës: Trungu i rrënjës (<i>Quercus robur</i>) në fshatin Kabash i Hasit të Prizrenit, si Monument i Natyrës;
9. Vendim për mbrojtjen e vlerës së natyrës: Trungu i rrënjës (<i>Quercus robur</i>) në fshatin Zym të Prizrenit, si Monument i Natyrës;
10. Vendim për mbrojtjen e vlerës së natyrës: “Liqeni karstik i Zymit” në Prizren, si Monument i Natyrës;
11. Vendim për mbrojtjen e vlerës së natyrës: “Shpella” në fshatin Zym të Prizrenit, si Monument i Natyrës;
12. Vendim për mbrojtjen e vlerës së natyrës: “Trungu i Rrënjës” (<i>Quercus robur</i>) në fshatin Romajë të Prizrenit, si Monument i Natyrës;
13. Vendim për mbrojtjen e vlerës së natyrës: “Kompleksi i Trungjeve” (<i>Quercus sp.</i>) në fshatin Dedaj të Prizrenit, si Monument i Natyrës;
14. Vendimi për miratimin e Planit Rregullues të Hollësishëm “Zona e Parkut për Industri të Lehtë në Prizren – Parku i Biznesit” sipas Hartës Zonale të Komunës së Prizrenit.

5. Plani i Punës së Kuvendit për vitin 2024

Çdo vit kalendarik, Kuvendi i Komunës duke u bazuar në ligjet dhe akte nënligjore, miraton planin e punës së Kuvendit, në të cilën parasheh mbledhjet që do të mbahen sipas muajve, pushimin vjetor si dhe pikat që duhet të sillen në kuvend për shqyrtim, diskutim dhe miratim. Në vijim do të paraqesim realizimin e planit të punës si dhe ngecjet në realizim.

5.1. Realizimi i Planit të Punës

Plani i punës së KK-Prizren për vitin 2024, ka paraparë të mbahen 10 mbledhje të rregullta por duke mos u kufizuar në to. Pra, është përmbush një obligim i Kuvendit, pasi që më shumë se 10 mbledhje të rregullta janë mbajtur. Po ashtu nga 53 pika që janë paraparë që të diskutohen, shqyrtohen dhe miratohen nga Kuvendi, numri i cili është përmbushur është 42 prej tyre.

5.2. Sfdat në realizimin të Planit të Punës

Sfdat gjatë vitit 2024 kanë qenë kryesisht në sjelljen apo paraqitjen e pikave të planit të punës nga ana e ekzekutivit komunal. Më poshtë do të paraqesim listën e pikave që nuk janë sjellë në Kuvend për tu shqyrtuar.

1. Raporti i Bordit për dhënien në shfrytëzim të objekteve kulturore-sportive
2. Shqyrtimi dhe miratimi i Planit të punës së KKSB-së për vitin 2024
3. Informatë rreth raportit të punës të Njesisë së Burimeve Njerëzore për vitin 2023.
4. Shqyrtimi dhe miratimi i propozim vendimit për caktimin e normave tatimore për tatimin në pronën e paluajtshme për vitin 2025
5. Shqyrtimi dhe miratimi i Planit të Veprimit për shërbime më të mira sociale në Komunën e Prizrenit 2025-2027.
6. Informatë mbi ndarjen e subvencioneve nga Drejtoria e Bujqësisë, Pylltarisë dhe Zhvillimit Rural.
7. Informatë mbi ndarjen e subvencioneve nga Drejtoria e Turizmit dhe Zhvillimit Ekonomik.
8. Informatë mbi ndarjen e subvencioneve nga Drejtoria e Punës dhe Mirëqenies Sociale.
9. Informatë mbi ndarjen e subvencioneve nga Drejtoria për Kulturë, Rini dhe Sport.
10. Raporti i Zyrës për Komunitete dhe Kthim 2024.
11. Raporti i Komisionit për emërtimin e rrugëve, shesheve dhe lagjeve të qytetit të Prizrenit.

Bashkëlidhur gjeni vegëzën e web-faqes zyrtare të Komunës, ku gjendet i publikuar plani i punës së Kuvendit:

<https://prizren.rks-gov.net/planet-raportet-e-kuvendit/>

6. Transparenca dhe Llogaridhënia

6.1.Hapja dhe transparenca e proceseve vendimmarrëse

Kuvendi i Komunës gjatë vitit 2024, ka demonstruar një nivel të lartë të transparencës në procesin e vendimmarrjes, për të siguruar informimin dhe pjesëmarrjen e qytetarëve. Disa aspekte thelbësore që tregojnë transparencën janë si vijon:

- Publikimi i Shpalljeve dhe Njoftimeve:

Kuvendi përmes zyrës për informim ka bërë publike shpalljet dhe njoftimet lidhur me datat e mbajtjes së takimeve nëpërmjet mediave, duke përfshirë faqen zyrtare në internet, rrjetet sociale, portale elektronike, dhe mediat nacionale.

- Transmetimi i Drejtpërdrejtë i Mbledhjeve:

Mbledhjet e Kuvendit transmetohen drejtpërdrejt në rrjetet lokale të televizionit dhe rrjetet sociale. Po ashtu, të gjitha mbledhjet postohen në web-faqen zyrtare të Komunës, duke e bërë shpërndarjen e informacionit më të gjerë dhe të lehtë.

- Publikimi i Dokumenteve të Mbledhjeve:

Të gjitha dokumentet për pikat e rendit të ditës paraqiten në web-faqen e Komunës dhe në rrjetet sociale, duke e mundur qasjen për të gjithë të interesuarit. Ky veprim siguron transparencën dhe hapësirën për vlerësimin dhe komentimin e publikut.

- Publikimi i Akteve të Miratuara nga Kuvendi:

Aktet që miratohen nga Kuvendi dhe konfirmohet ligjshmëria e tyre janë publikuar në mënyrë të hapur në web-faqen zyrtare të Komunës. Ky proces siguron që vendimet e Kuvendit të jenë të njohura publikisht.

Në këtë vegëzë, gjendet i publikuar në web-faqen zyrtare të Komunës rubrika Kuvendi, ku janë të gjitha të punët që bëhen nga Kuvendi:

<https://prizren.rks-gov.net/> , nën rubrika kuvendi.

6.2. Bashkëpunimi dhe mirëmbajtja e dialogut me shoqërinë civile

Organizatat e shoqërive civile kanë dhënë kontribut të vazhdueshëm në fusha të ndryshme, të cilat aktivitete bashkëpunuese kanë qenë të shpeshta edhe me Kuvendin e Komunës gjatë vitit 2024.

Kuvendi ka mbajtur dialog dhe bashkëveprim të rregullt me organizatat e shoqërisë civile. Ndër më të rëndësishmet kanë qenë: Konsultimi Aktiv, Pjesëmarrje në Komisione dhe Grupe Punuese, Komunikimi, etj.

Këto veprime tregojnë përkushtimin e Kuvendit të Komunës së Prizrenit për të qenë transparent dhe për të përfshirë sa më shumë qytetarë në proceset vendimmarrëse.

7. Sfidat dhe Problemet Kryesore

Në këtë kapitull do të paraqesim sfidat dhe problemet që janë trashëguar dhe paraqitur për gjatë vitit 2024, si dhe hapat që janë ndërmarr për t'i zgjidhur ato probleme.

7.1. Identifikimi i sfidave kyçe dhe problematikave

Në listën vijuese do të paraqesim sfidat dhe problematikat që po e përcjellin Kuvendit e Komunës edhe në vitin 2024:

1. Mungesë e stafit në sektorin e Kuvendit të Komunës,
2. Ngecje e përkthimeve në gjuhët zyrtare të dokumenteve të Kuvendit,
3. Mos respektimi i kohës së përcaktuar të diskutimeve, gjatë seancave të Kuvendit,
4. Moszbatimi në tërësi i planit të punës së Kuvendit nga ana e ekzekutivit.

7.2. Hapat që janë ndërmarrë për të adresuar këto sfida

Përpjekje të vazhdueshme për të zgjidhur sfidat e paraqitura në Kuvendin e Komunës, ka bërë jo vetëm Kryesuesja e Kuvendit, por edhe anëtarët e Kuvendit duke reaguuar përmes seancave dhe formave tjera.

Kryesuesja e Kuvendit në vazhdimësi ka bërë kërkesa drejtuar Kryetarit të Komunës dhe ekzekutivit komunal, në formë verbale dhe me shkrim për zgjidhjen e problemeve që janë paraqitur në funksionimin sa më efikas të Kuvendit si dhe ka dhënë ide, propozime për një zgjidhje të qëndrueshme dhe përfundimtare për probleme të trashëguara dhe aktuale të Kuvendit të Komunës.

Pika 1 e pikës 7.1 veç se është përfunduar gjatë vitit 2024 dhe janë pajisur me laptop anëtarët e Kuvendit, ndërsa pikat e tjera pritet që do të realizohen gjatë vitit 2024, po ashtu presim nga ekzekutivi komunal që të ketë parasysh kërkesat e Kryesueses së Kuvendit, në raport me obligimet që i kanë karshi Kuvendit të Komunës.

8. Përfundim

8.1. Prioritetet e planifikuara për vitin 2025

Një nga prioritetet kryesore të përcaktuara për vitin 2025 për Kuvendin e Komunës sonë është funksionalizimi i plotë në secilën sferë të veprimtarisë së tij.

Funksionalizimi i Kuvendit në secilën sferë ka potencialin të sjellë një ndikim pozitiv të drejtpërdrejtë në cilësinë e jetës së qytetarëve dhe zhvillimin e përgjithshëm të komunës sonë.

Në përpjekje për të arritur këtë synim, parashihen të ndërmerren hapa të rëndësishëm, duke përfshirë:

1. Respektimin dhe zbatimin e Ligjeve dhe akteve nënligjore të Republikës së Kosovës,
2. Organizimi i punëtorive, vizitave studimore, trajnimeve për anëtarët e Kuvendit,
3. Përforcimi i transparencës dhe përfshirjes së qytetarëve,
4. Bashkëpunim më i ngushtë me ekzekutivin komunal.

Me një angazhim të përbashkët në realizimin e këtyre hapa si dhe duke i ruajtur praktikatat e mira të cilat i kemi krijuar në bazë të ligjeve, synojmë që të dalim si një Kuvend më i suksesshëm në nivelin e Republikës së Kosovës, dhe të jemi një model për Kuvendet e Komunave të tjera.

8.2. Përmbledhje e përgjithshme, komente, sugjerime, vërejtje

Ky raport është një përmbledhje e aktiviteteve kryesore që kanë ndodhur në periudhën janar-dhjetor 2024 në Kuvendin e Komunës së Prizrenit.

Pas diskutimeve të këtij raporti në Komitetin për Politikë dhe Financa (KPF) dhe Kuvend të Komunës, planifikohet publikimi i tij në faqen zyrtare të Komunës së Prizrenit.

Mirëpresim komente, vërejtje dhe sugjerime nga pjesëmarrësit dhe ndjekësit e këtij raporti, pasi që kjo kontribuon në një proces të hapur dhe transparent për të gjithë.

Raporti do të jetë në dispozicion për të gjithë qytetarët në faqen zyrtare të Komunës së Prizrenit, duke theksuar përkushtimin ndaj hapësirës së transparencës dhe pjesëmarrjes së publikut.

Ju ftojme të ndani mendimet dhe vlerësimet tuaja në lidhje me ngjarjet e raportuara dhe të jeni pjesë e këtij procesi të rëndësishëm për zhvillimin e komunitetit tonë.

Me respekt,
Kryesuesja e Kuvendit